



SOGN OG FJORDANE
SKIKRINS

- MØTE NR.:** 03 i tingperioden 2013-2015
- FRÅ:** Styret i Sogn og Fjordane Skikrins
- STAD/DATO:** Skei, Skei Hotell / 03. desember 2013
- TIL STADES:** Inge Fænn, Anders Felde, Reidun Hegrenes, Arthur Hegrenes, Lilly Schøyen, Asle Sande (1. Varamedlem) og Yngve Thorsen (adm.).
- FORFALL:** Hallvard Nygård, Gunnar Fannemel og Margunn Hjelmeset (2. varamedlem)
- MERKNADER:**
- REFERENT:** Yngve Thorsen
- SAKLISTE:**
- REFERATSAKER**
Sak 29 13-15 Godkjenning av innkalling, sakliste og protokoll nr. 02 13-15
- RAPPORTERING**
Sak 30 13-15 Rekneskapsrapport pr. 07.11.2013
Sak 31 13-15 Skrifteleg rapportering frå greinkomiteane
- ORIENTERINGSAKER**
Sak 32 13-15 Arbeid med Skitinget 2014
Sak 33 13-15 Nye nettsider for Sogn og Fjordane Skikrins
Sak 34 13-15 Utviklingsplanar ved Nordfjord Fritidssenter
Sak 35 13-15 Status markedsarbeid i Sogn og Fjordane Skikrins
Sak 36 13-15 Integreringsprosjekt
Sak 37 13-15 Landslinje for ski- og skiskyting i Stryn
- DISKUSJON- OG VEDTAKSSAKER**
Sak 38 13-15 Harpefossen Skisenter – innspel til Anleggsplan 2013-2017
Sak 39 13-15 Presentasjon av greinkomiteane sine handlingsplanar 2013-2014
Sak 40 13-15 Budsjett 2014
Sak 41 13-15 Fastsetjing av tid og stad for neste møte i Skikrinsstyret

EVENTUELT



SOGN OG FJORDANE
SKIKRINS

REFERATSAKER

Sak 29 13-15 **Godkjenning av innkalling, sakliste og protokoll nr. 02 13-15**
Bakgrunn

Innkalling, sakliste og protokoll nr. 02 13-15 er utsendt på førehand.

Vedtak

Skikrinsstyret godkjenner innkalling, sakliste og protokoll nr. 02 13-15.

RAPPORTERING

Sak 30 13-15 **Rekneskapsrapport pr. 07.11.2013**
Bakgrunn

Rekneskapsrapport pr. 07.11.2013 er utsendt på førehand.
Adm. presenterte rapporten.

Vedtak

Skikrinsstyret tek saka til orientering.

Sak 31 13-15 **Skriftleg rapportering frå greinkomiteane**
Bakgrunn

Til møtet førelåg det rapport frå;

- alpinkomiteen

Det førelåg ikkje rapport frå langrennskomiteen samt hopp- og kombinertkomiteen.

Vedtak

Skikrinsstyret tek saka til orientering, og gjer vidare vedtak om at langrennskomiteen og hopp- og kombinertkomiteen ettersender sine rapportar.

Rapportane vert lagt ved som vedlegg til protokollen.

ORIENTERINGSAKER

Sak 32 13-15 **Arbeid med Skitinget 2014**
Bakgrunn

Styreleiar og adm. orienterte skikrinsstyret om planleggingsarbeidet med Skitinget 2014.

Vedtak

Skikrinsstyret tek saka til orientering.

Sak 33 13-15 **Nye nettsider for Sogn og Fjordane Skikrins**
Bakgrunn

Viser til saksutgreiing og vedtak i samband med *Sak 21 13-15*.

Adm. presenterte dei nye nettsidene til Sogn og Fjordane Skikrins.



SOGN OG FJORDANE
SKIKRINS

Dei nye nettsidene til Sogn og Fjordane Skikrins vart lansert torsdag 07. november 2013.

Vedtak

Skikrinsstyret tek saka til orientering.

Sak 34 13-15

Utviklingsplanar ved Nordfjord Fritidssenter

Bakgrunn

Skikrinsstyret er tilsendt saksutgreiing på førehand.

IL Veten/ Nordfjord Fritidssenter planlegg å lage eit tautrekk til K90 på Vangen, og vidare har ein planar om å forlenge trekket med ca. 150 høgdemeter slik at ein kan få til nedfartar (alpint) på begge sider av hoppanlegget.

Iflg. IL Veten har desse planane vore med i prosessen kring utvikling av anlegget sidan 1990. I den tid vart planane utvikla av anleggskonsulent i NSF, Alfred Andersen.

No ynskjer IL Veten å starte arbeidet med realisering av planane, m.a. for å skape eit betre driftsgrunnlag for anlegget.

Sett i frå IL Veten si side blir ikkje dette eit nytt alpinanlegg i så måte, men ei fullføring av allereie eksisterande anlegg.

Ved ei utbygging ser ein føre seg eit løna bidrag for ei stilling til å arbeide i anlegget, og dermed sikre at anlegget får ei god utvikling og drift.

Det er vidare utarbeida ein rapport m.o.t. driftsgrunnlaget for dette anlegget. Denne rapporten har ein førebels ikkje fått tilsendt frå IL Veten.

Det er og næringsinteresser involvert i anlegget.

IL Veten ser vidare føre seg ei omsetning på omlag 1 mill NOK gjennom 45 driftsdagar i sesongen. Iflg. IL Veten sine egne berekningar tilsvarar dette 2 % av den totale marknaden. Her kjem i tillegg inntekter på parkering, mat, overnatting etc.

IL Veten meiner dette er eit realistisk prosjekt, under visse føresetnader m.o.t. gjeldsgrad.

Det blir vidare gitt uttrykk for at IL Veten har teke på seg oppgåva med å utvikle hoppanlegget, m.a. for at ein skal få etablert eit alpintilbod på sikt.

I sitt arbeid er prosjektleiar i IL Veten uroa over Sogn og Fjordane Skikrins sin anleggspolitikk, der ein m.a. har uttalt at det ikkje skal etablerast fleire alpinanlegg i Sogn og Fjordane, men at ein skal stimulere til utvikling og gode vilkår for drift i eksisterande anlegg.

Bakgrunnen for denne politikken er knytt til det generelle driftsgrunnlaget for alpinanlegg i Sogn og Fjordane.



SOGN OG FJORDANE
SKIKRINS

Prosjektleder i IL Vetten, Tor Åge Berglid, undertrekar at prosjektet p.t. ikkje er formalisert, men at dette evt. vil skje på idrettslaget sitt årsmøte i 2014.

Men før den tid ynskjer prosjektleder ei generell tilbakemelding frå Skikrinsstyret vedr. vidare saksgang og evt. støtte til prosjektet.

Ein kan elles legge til at prosjektet er drøfta med kulturavdelinga i Sogn og Fjordane Fylkeskommune.

Vedtak

Skikrinsstyret tek saka til orientering og viser til eksisterande anleggsplan.

Elles avventar Skikrinsstyret evt. vedtak i saka, inntil det føreligg ein formell henvendelse frå IL Vetten.

Sak 35 13-15

Status markedsarbeid i Sogn og Fjordane Skikrins

Bakgrunn

Viser til bakgrunn og vedtak i *Sak 23 13-15*.

I samsvar ved vedtak i saka er det avvikla møte i Sogn og Fjordane Skikrins sitt økonomi- og markedsutval (26. november 2013).

I møte har ein gjort vedtak om følgjande prioritering innanfor markedsområdet;

- 1) Reforhandling av samarbeidsavtalar;
 - a. Frydenbø Bilsenter, ansvar Atle Hamar og adm.
 - b. SFE, ansvar Reidun Hegrenes, Gunnar Fannemel og adm.
- 2) Utvikle ein oversiktleg markedsstruktur for Sogn og Fjordane Skikrins
- 3) Iverksetje sal av konseptet «Skiing Norway»
- 4) I lag med greinkomiteane vurdere eit konsept der ein legg til rette for felles KM-/finalehelg i langrenn, alpint samt hopp og kombinert.

I konseptet legg ein til grunn samarbeid med hotellnæringa.

- 5) Legge til rette eit strategisk samarbeid med næringslivet m.o.t. sal av enkelte samlingar innanfor langrenn.

Vedtak

Skikrinsstyret tek saka til orientering.

Skikrinsstyret gjer vidare vedtak om at greinkomiteane frå 2015 skal vurdere om det er aktuelt med felles arrangementhelg i langrenn, alpint, hopp, kombinert og telemark.



SOGN OG FJORDANE
SKIKRINS

Sak 36 13-15

Integreringsprosjekt

Bakgrunn

Sogn og Fjordane Skikrins har teke initiativ til samarbeid med Stryn Frivilligsentral og Internasjonalt forum i Stryn.

Målsetjinga med samarbeidet er å stimulere til auka integrering av flyktingar/innvandrarar i Stryn Kommune gjennom tilrettelegging av skiaktivitet. Samt auke den fysiske aktiviteten hjå målgruppa.

Målgruppe for prosjektet er flyktingar/innvandrar knytt til vaksenopplæringa i Stryn Kommune.

Opplegget vil elles bli ein del av den obligatoriske undervisninga i vaksenopplæringa. Ved å gjere aktiviteten obligatorisk vil alle uansett bakgrunn og sosiale høve bli stimulert til deltaking.

Gjennom samarbeid mellom partane ynskjer ein også å opne for høgare deltaking frå flyktingar/innvandrar i lag og organisasjonar, og at målgruppa gjennom prosjektet får ein "reisskap" for å kunne delta i ordinære aktivitetar vinterstid.

Sogn og Fjordane Skikrins er hovudansvarleg for koordinering av prosjektet, medan Stryn Frivilligsentral og Internasjonalt forum Stryn legg til rette for organisering av aktivitet lokalt.

Ein legg vidare opp til å nytte elevar frå idrettslinja ved Stryn vgs. som instruktørar i pilotprosjektet.

På lengre sikt har ein ambisjonar om å spreie prosjektet til Sogndal Kommune og Førde Kommune.

Vinteren 2012-2013 la skikrinsen til rette for 2 skidagar for flyktingar knytt til Vaksenopplæringa i Stryn, og no arbeider ein for å gjere opplegget noko meir omfattande.

Vedtak

Skikrinsstyret tek saka til orientering.



SOGN OG FJORDANE
SKIKRINS

Sak 37 13-15

Landslinje for ski- og skiskyting i Stryn

Bakgrunn

Eit samrøystens opplæringsutval går inn for at fylkeskommunen skal søkje Kommunaldepartementet om oppretting av landslinje for skiidrett/ skiskyting i i Stryn.

I vedtaket heiter det at fylkeskommunen søkjer om oppretting av landslinje for ski-skiskyting med 10 plassar ved studiespesialiserande utdanningsprogram frå skuleåret 2015-2016.

Tilbodet skal finansierast innanfor det statlege tilskotet til landslinja, og den økonomiske ramma for opplæringstilbodet.

Eit landslinje tilbod vil gje nasjonal status, og vil sikre ein optimal kombinasjon av utdanning og idrett

Sogn og Fjordane Skikrins har tidlegare støtta Stryn vidaregåande skule i arbeidet med ein fylkeskommunal søknad.

Vedtak

Skikrinsstyret tek saka til orientering.

DISKUSJON- OG VEDTAKSSAKER

Sak 38 13-15

Harpefossen Skisenter – innspel til Anleggsplan 2013-2017

Bakgrunn

I samband med Skikrinstinget 2013 vedtok Sogn og Fjordane Skikrins Anleggsplan 2013-2017. I etterkant av tinget har Harpefossen Skisenter sendt følgjande innspel;

Dersom skikrinsen sin anleggsplan omfatter alpinanlegg med mer enn 100 høydemeter, så bør jo disse planene samkjøres med fylkeskommunen som legger dette til grunn som kriterie. I såfall er følgjande planlagt på Harpefossen:

- 2013: Snøproduksjon Høgebakkløypa/Fosseholtløypa, 775/130 (lengde/høydemeter) (1201)
- 2014: Familietrekk, 500/140 (1203)
- 2014: Lysanlegg Hammaren-Steinane, 375/150 (1302)
- 2014: Dalenakkløypa, 2.500/350 (1502)
- 2014: Turisten nedre, 1.200/365 (1704)
- 2015: Lysanlegg Furuhogane, 1.300/330 (1501)
- 2015: Dam til snøproduksjon, 770 moh (1504)
- 2015: Snøproduksjon Turisten nedre, 1.200/365 (1506)
- 2015: Lysanlegg Turisten nedre, 1.200/365 (1507)
- 2016: Snøproduksjon Furuhogane, 500/150 (1601)
- 2016: Jibbepark Harpefossen, 600/120 (1603)
- 2016: Turisten øvre, 1.000/160 (1605)
- 2016: Snøproduksjon jibbepark, 600/120 (1607)
- 2017: Stolheis Steinane, 1.500/520 (1702)
- 2017: Snøproduksjon Turisten øvre, 400/160 (1704)

- 2017: Lysanlegg jibbepark, 600/120 (1705)
- 2018: Snøproduksjon Utforløypa, 700/170 (2018)
- 2019: Topptrekk Storegga, 600/200 (1901)
- 2019: Nedfart Storegga, 650/200 (1902)

Vedtak

Skikrinsstyret gjer vedtak om at Anleggsplan 2013-2017 vert oppdatert med faktaopplysningar vedr. utbyggingsplanane ved Harpefossen Skisenter.

Skikrinsstyret gjer vidare vedtak om at Harpefossen Skisenter får følgjande prioritering i Handlingsplanen pkt. 5.4 Rehabilitering Alpint:

5.4 Rehabilitering

Alpint	Stad for anlegg	Behov for endring	Pri.
Sogndal	Hodlekve	Renovering av eksisterande skitrekk. Overflateplanering i eksisterande anlegg.	1
Førde	Sunnfjord Skisenter	Overflateplanering. Utbetring av snøproduksjonsanlegg. Utbetring av lysanlegget.	2
Luster	Sogn Skisenter	Utbedre snøproduksjonsanlegget. Utbedring av trasèar.	3
Eid	Harpefossen Skisenter	Utbetring av snøproduksjonsanlegget Utbetring av lysanlegget Tilrettelegging av Jibbepark Utbetring av nedfartar	4

Sak 39 13-15

Presentasjon av greinkomiteane sine handlingsplanar 2013-2014 Bakgrunn

Viser til vedtak og saksutgreiing i Sak 22 13-15.

Skikrinsstyret har tidlegare tilrådd handlingsplanen sin struktur.

I møtet presenterte leiar i alpinkomiteen og langrennskomiteen sine respektive Handlingsplanar for 2013-2014.

Vedtak

Skikrinsstyret godkjenner handlingsplanane slik dei føreligg, og komiteane skal legge desse til grunn i sitt vidare arbeid.

Sak 40 13-15

Budsjett 2014

Bakgrunn

Framlegg til budsjett er vedlagt.

Administrasjonen sitt framlegg til budsjett for 2014 balanserar, med årsbudsjetterte driftsinntekter på kr 2 834 250,- og årsbudsjetterte driftskostnader på kr 2 834 250,-

Rammene for inntektene er i hovudsak basert på markedsinntekter, lagskontingent (årskontingent), tilskot frå idrettskrins, tilskot frå fylkeskommune, tilskot frå NSF



SOGN OG FJORDANE
SKIKRINS

(post 3 midlar), momskompensasjon, rennavgifter samt eigendelar frå løparar/ føresette og klubb.

Administrasjonen ber skikrinsstyret vere merksame på følgjande:

Markedsinntektene til Sogn og Fjordane er budsjettert på same nivå som 2013.

Brorparten av markedsinntektene er basert på samarbeidsavtalar som strekkjer seg ut over 2013. Men samarbeidsavtalen med xxx går ut våren 2014, og må reforhandlast. Dvs. at administrasjonen sitt framlegg til budsjett er basert på at denne avtalen vert vidareført på dagens nivå. Samla utgjør denne avtalen ein verdi (kontantstraum) på kr. xxx,- ekskl. mva.

Elles må skikrinsen arbeide systematisk for å etablere ei ny samarbeidsavtale. Adm. sitt syn er at denne samarbeidsavtalen bør vere relatert til langrennskomiteen, og arbeidet knytt til aldersgruppa 13-16 år.

Det er elles budsjettert med post 3-midlar (Norges Skiforbund) på totalt kr 45 000,- fordelt på Rekrutteringsprosjektet (Miljøsamlingane), Ski i Skulen samt kurs og utdanningsverksemd.

Prinsippet med fordelingsnøkkelen knytt til markedsinntektene (innført i 2009) der 92,5% av inntektene blir ført vidare til greinkomiteane, medan AU held igjen 7,5% til eiga drift er lagt til grunn i framlegg til budsjett.

ARBEIDSUTVALET

AU – Drift administrasjon

Markedsinntekter

Samla budsjetterte markedsinntekter i 2014 er kr. 615 000,-.

Budsjetterte markedsinntekter er basert på inngåtte samarbeidsavtalar

Samarbeidsavtalen med xxx vart reforhandla sommaren 2012, og avtalen har ein verdi på xx,- i kontantstraum pr. år.

Ein må elles vere merksame på at denne avtalen er inkl. mva., noko som medfører at SFSK må betale 25% i mva. basert på avtalen sin verdi

Tilskot frå idrettskrins

Det er budsjettert med kr 85 000,- i tilskot frå idrettskrinsen (fylkeskommunalt tilskot), om lag same nivå som rekneskapstala for 2013 syner.

Lagskontingent

Lagskontingenten (årskontingent) er budsjettert ihht. til vedtak i samband med Skikrinstinget 2013, og utgjør samla ca. kr. 214 000,-.



SOGN OG FJORDANE
SKIKRINS

Momskompensasjon

Jf. signal frå Norges Idrettsforbund og retningslinjer for utbetaling av momskompensasjon er denne tilskotsordninga auka frå kr. 75 000,- i budsjettet for 2013, til kr. 115 000,- i budsjettet for 2014.

IT kostnader

IT kostnadane er budsjettert med kr 24 000,-, om lag same nivået som rekneskapstala for 2013 syner.

Rekrutteringsprosjekt

I rekrutteringsprosjektet er det budsjettert sonevise Miljøsamlingar slik som tidlegare år.

Ifbm. Miljøsamlingane er det budsjettert med kr 7 500,- i annonsering, elles er det lagt inn

kr 9 500,- i tilskot til tekniske arrangørar av Miljøsamlingane 2014.

Det er vidare budsjettert med eit tilskot på kr 15 000,- til rekrutteringsprosjektet frå NSF (post 3 midlar), samt kr. 12 000,- i deltakaravgifter.

Funksjonshemma

Innanfor område integrering/ funksjonshemma er det budsjettert med 2 stk. ski- og snøsamlingar som blir gjennomført i lag med NAV Hjelpemiddelsentralen.

Det er verdt å merke seg at det også er budsjettert med eit tilskot frå NSF på kr 10 000,-.

Krinsting

SFSK skal ikkje gjennomføre krinsting i 2014.

Sktinget 2014 (NSF)

Førebels har ein oppretta eit eige prosjekt for Sktinget 2014. Her er det budsjettert med kr. 85 000,- i offentlege tilskot (Stryn kommune og fylkeskommune). Det er vidare lagt opp til ei kostnadsramme på kr. 105 000,-.

Dvs. at ein budsjetterar med eit underskotet på kr. 20 000,- ifbm. dette prosjektet.

Adm. presiserar at dette budsjettet på dette prosjektet må reviderst jevnleg.

Styret

I samband med aktiviteten til styret er det budsjettert med kr. 177 000,- i kostnader.

Kostnadane til styret er i hovudsak knytt til lokaleleige ifbm. møter, telefonmøte, reiserekningar, samt reise og overnatting i samband med sentrale møter (Vårmøte og Haustmøte).

Ver merksam på at Skikrinsstyret gjennom sitt budsjett også dekkar reise og overnatting for representantar frå greinkomiteane i samband med Vår- og Haustmøter (i tråd med tidlegare praksis).



SOGN OG FJORDANE
SKIKREINS

Det er vidare lagt inn ein auke i kostnadane for styret. Denne kostnaden har bakgrunn i ein forventa ekstrakostnad i samband med Skitinget i Loen i 2014.

Trenarkurs/ utdanning

Innanfor trenarkurs/ utdanning er det lagt opp til eit budsjett i balanse. Inntektene er relatert til vaksenopplæringstilskot, kursinntekter og post 3-midlar.

Ski i skulen

Ved vidareføring av Ski i Skulen 2014 er det m.a. budsjettert med kr. 100 000,- i offentlege tilskot.

Dette tilskotet baserar seg på ein utviklingsavtale (tre-årig) med Sogn og Fjordane Fylkeskommune som utgjer kr. 100 000,- i 2014.

Ein har vidare fått tilsagn om kr. 100 000,- i støtte frå Sparebankstiftinga til prosjektet i 2014, og det er lagt inn kr. 15 000,- i post-3 midlar.

På kostnadssida er det budsjettert med honorar til instruktørar, reiserekningar og kostnader knytt til busstransport. Ski i Skulen vert i 2014 gjennomført ved 14-15 skular.

Det er budsjettert med at prosjektet skal balansere.

Prosjekt Telemark

Forventa inntekter og kostnader i dette prosjektet er svært usikkert, men ein har lagt opp til at dette prosjektet skal balansere. Dvs. at inntekter og kostnader skal følgje kvarandre.

ALPINKOMITEEN

Alpinkomiteen sitt budsjett balanserar med kr 935 375,- i driftsinntekter og kr 935 375,- i driftskostnader.

Drift komité

Det er budsjettert med kr. xxx,- i overføring av markedsinntekter, jf. samarbeidsavtalane med xxx, xxx og xxx. Ver merksam på at det er budsjettert med ein økonomisk bonus frå xxx.

Det er også lagt inn kr 23 000,- i lisensar/ rennavgifter. Dette er same nivå som rekneskapstala for 2013 viser.

Årsbudsjettert resultat på dette prosjektet er kr. 243 375,-.

NM

Ibm. NM er det budsjettert med at ein dekkjer startkontingent for aktuelle utøvarar – budsjettert kostnad, kr 10 000,-.

Årsbudsjettert resultat på dette prosjektet er kr. – 10 000,-

Jr. NM

I samband med junior NM er det budsjettert med reise og overnatting til hovudleiar,



SOGN OG FJORDANE
SKIKREINS

i tillegg til startkontingent for utøverane. Det er også budsjettert med forskottering av overnattingskostnader samt refusjon av disse (inntekter).

Årsbudsjettert resultat på dette prosjektet er kr. – 15 000,-.

HL

På Hovudlandsrennet og Landsfinalen er det budsjettert med reise og overnatting til hovudleiar i tillegg til startkontingent for utøverane. Det er også budsjettert med forskottering av overnattingskostnader samt refusjon av disse (inntekter).

Årsbudsjettert resultat på dette prosjektet er kr. – 40 000,-.

Cup

Ibhm. Fjord1 cupen er det budsjettert med kr. 5000,- i annonsering, i tillegg til kr 35 000,- i kjøp av premiar.

Årsbudsjettert resultat på dette prosjektet er kr. – 40 000,-.

FIS-renn

Til FIS-renna i alpint er det lagt inn at krinsen dekkar startkontingent på 5 FIS-renn for kvar utøvar, i tillegg til FIS-lisensen.

Det er i tillegg budsjettert at komiteen dekkjer reise- og overnatting for hovudleiar i samband med 2-3 FIS-renn der krinsen har fellesopplegg..

Det er også lagt inn at krinsen forskotterer startkontingent i samband med desse renna.

Årsbudsjettert resultat på dette prosjektet er kr. – 38 000,-.

Fjord1 samlingar/ krinslag

Fjord1 samlingane er budsjettert på om lag same nivå som i 2013.

Det er budsjettert med 6-7 Fjord1 samlingar, og deltakaravgifter på til saman kr 307 000,-.

Vidare er det lagt inn kr. 250 000,- i idrettsfagleg bistand, dette er kostnader knytt til Alpine Race Academy Norge. Det er også budsjettert med omfattande bruk av lokale trenarkrefter, totalt kr. 111 000,- (honorar, reise og overnatting).

Årsbudsjettert resultat på dette prosjektet er kr. – 89 375,-.

Alpinkomiteen

Til møteverksemd i alpinkomiteen er det sett av kr. 11 000,-



SOGN OG FJORDANE
SKIKREINS

HOPP- OG KOMBINERTKOMITEEN

Hopp- og kombinertkomiteen sitt budsjett balanserer med kr 58 250,- i driftsinntekter og kr 58 250,- i driftskostnader.

Drift komité

Det er budsjettert med kr. xxx,- i overføring av markedsinntekter jf. samarbeidsavtalen med xxx. Det er her ein føresetnad at samarbeidsavtalen med xxx vert reforhandla på minimum av dagens nivå.

I samband med drift av SFE-bakken er det budsjettert med reisekostnader på kr. 8 000,-

Det er også lagt inn kr 2 000,- i lisensar/ rennavgifter.

Årsbudsjettert resultat på dette prosjektet er kr. 37 750,-.

Jr. NM

Ibm. Jr. NM er det budsjettert med dekking av reisekostnad og overnatting for hovudleiar.

HL

Ibm. Hovedlandsrennet er det budsjettert med ein overnattingskostnad på kr. 2 000,-.

Cup

I samband med SFEhopp cup er det budsjettert med reklame og annonsering på kr. 3 750,-, i tillegg til kjøp av premiar på kr. 10 000,- .

Årsbudsjettert resultat på dette prosjektet er kr. – 13 750,-

Rekrutteringsprosjekt i hopp

Det er budsjettert med oppstart av eit rekrutteringsprosjekt i hopp.

Her er det ein føresetnad at komiteen syter for finansiering av prosjektet med min. kr. 10 000,- i «friske midlar». Desse midlane skal nyttast til å dekke reise og honorar for «ambulerande trenar».

Årsbudsjettert resultat på dette prosjektet er kr. – 8 000,-

Hopp- og kombinertkomiteen

Til møteverksemd i komiteen er det sett av kr. 4 000,-.

LANGRENNSKOMITEEN

Langrennskomiteen sitt budsjett balanserer med kr 923 000,- i driftsinntekter og kr 923 000,- i driftskostnader.



SOGN OG FJORDANE
SKIKREINS

Drift komité

Det er budsjettert med kr. xxx,- i overføring av markedsinntekter jf. samarbeidsavtalane med xxx og xxx.

Vidare er det budsjettert med kr 75 000,- i lisensar/ rennavgifter. Dette er noko mindre enn rekneskapen for 2013 syner.

Årsbudsjettert resultat på dette prosjektet er kr. 422 000,-.

NM, jr. NM og HL

Ib.m. NM, jr. NM og Hovudlandsrennet er det budsjettert at ein dekkjer reise- og opphald for støtteapparat og kostnader med smørebad. Det er i tillegg budsjettert med ein andel refusjonar i samband med desse arrangementa. Det er også budsjettert med eit honorar for hovudleiar.

Årsbudsjettert resultat på desse prosjekta er samla kr – 109 500,-.

Cup/ SSF Cup

Ib.m. SSF Cupen er det m.a. budsjettert med kr 35 000,- i premiar.

Årsbudsjettert resultat på dette prosjektet er kr. – 40 500,-.

FIS-renn

I samband med renna i Norgescup' en er det budsjettert at komiteen dekkjer reise- og opphald for hovudleiar og støtteapparat (3 personar ved kvart arrangement). Det er i tillegg budsjettert med eit honorar for hovudleiar. Det er også budsjettert med ein andel refusjonar i samband med desse arrangementa.

Årsbudsjettert resultat på dette prosjektet er kr. – 120 000,-

Krinslag

På krinslaget er det budsjettert med kr. 198 000,- i årskontingent (krinslagskontingent), noko mindre enn det som rekneskapen for 2013 syner.

Vidare er det m.a. budsjettert med kr 65 000,- i kjøp av klede, kr. 55 000,- i reisekostnader og kr. 150 000,- i overnatting i samband med samlingar.

Årsbudsjettert resultat på dette prosjektet er kr. – 144 000,-.

Langrennskomiteen

Til møteverksemd i langrennskomiteen er det sett av kr. 8 000,-

LSV-huer

Det er budsjettert at kjøp og sal av LSV-huer skal balansere.



SOGN OG FJORDANE
SKIKRINS

GENERELL SLUTTKOMMENTAR

Adm. sitt framlegg til budsjett må reviderast 1. kvartal 2014.

I tillegg vil det mest truleg vere aktuelt med diverse avsetningar frå 2013 til 2014, m.a.o. må budsjettet oppdaterast når skikrinsstyret gjer endeleg vedtak om evt. avsetningar. Det blir lagt opp til at vedtak om evt. avsetningar skal gjerast i samband med styremøte i januar/februar 2014, når arbeidet med rekneskapen for 2013 er fullført.

Slik sett kan ikkje styret sjå på dette framlegget som endeleg, men først og fremst som ei retningslinje for den vidare handsaminga av budsjettet.

Vedtak

Skikrinsstyret vedtek framlegg til budsjett for 2014, med følgjande endring;

Post-3 midlane som er budsjettert i inntektsramma for *Ski i Skulen 2014* skal flyttast til *Integreringsprosjektet* for å styrke dette arbeidsområde.

Skikrinsstyret gjer vidare vedtak om at revidert budsjett skal leggast fram i samband med styremøte i januar/februar 2014.

Sak 41 13-15

Fastsetjing av tid og stad for neste møte i Skikrinsstyret

Bakgrunn

Skikrinsstyret bestemmer tid og stad for neste møte i styret.

Vedtak

Skikrinsstyret gjer vedtak om at tidspunkt for neste møte i Skikrinsstyret skal fastsetjast i høve til ferdigstilling av rekneskapen for 2013.

Møtet skal avviklast på Skei, Skei Hotell.

EVENTUELT

Med venleg helsing
Sogn og Fjordane Skikrins

Inge Fænn (s)
Leiar

Yngve Thorsen (s)
Adm. sjef